

Товч танилцуулга

Хэлэлцээрт оруулсан нэмэлт, өөрчлөлтийг хүлээн зөвшөөрч, соёрхон батлах тухай хуулийн төслийн талаар

1. Ерөнхий агуулга, зохицуулах харилцаа, зарчмын шинжтэй зохицуулалт:

Уг хуулийн төсөл нь 2 зүйлтэй бөгөөд 1 дүгээр зүйлд Энэхүү Европын сэргээн босголт, хөгжлийн банк үүсгэн байгуулах тухай хэлэлцээрт оруулсан нэмэлт, өөрчлөлтийг хүлээн зөвшөөрч, соёрхон батлахыг, 2 дугаар зүйлд хууль хүчин төгөлдөр болох хугацааг тусгасан болно.

Энэхүү Европын сэргээн босголт, хөгжлийн банк үүсгэн байгуулах тухай хэлэлцээрт оруулсан нэмэлт, өөрчлөлт нь Олон улсын гэрээний тухай хуулийн 8 дугаар зүйлийн 8.1 дэх хэсэгт заасны дагуу Улсын Их Хурал соёрхон батлах хуулийн зохицуулалттай болно.

2. Тухайн харилцааг урьд нь хууль, эрх зүйн бусад актаар зохицуулж ирсэн байдал:

Монгол Улсын Их Хурал 2000 онд Европын сэргээн босголт, хөгжлийн банк үүсгэн байгуулах тухай хэлэлцээрийг хүлээн зөвшөөрч, нэгдэн орсныг соёрхон баталсан бөгөөд үүний дараагаар 2013 онд Европын сэргээн босголт, хөгжлийн банк Өмнөд болон Зүүн Газар дундын тэнгисийн бүс нутагт үйл ажиллагаагаа тэлэх зорилгоор Европын сэргээн босголт, хөгжлийн банк үүсгэн байгуулах тухай хэлэлцээртээ оруулсан нэмэлт, өөрчлөлтийг мөн хүлээн зөвшөөрч, соёрхон баталж байсан болно.

3. Хуулийн төслийг боловсруулахтай холбогдуулан хууль санаачлагчаас авч хэрэгжүүлсэн арга хэмжээ:

Европын сэргээн босголт, хөгжлийн банк байгуулах тухай хэлэлцээрт оруулсан нэмэлт, өөрчлөлтийн агуулга, зохицуулалтын хүрээг судалж, Монгол Улсад үзүүлэх нөлөөллийг дүгнэсэн.

4. Гадаад орны туршлага, бусад судалгаа, шинжилгээний тайлангийн дүгнэлт:

Европын сэргээн босголт, хөгжлийн банкны гаргасан банкны үйл ажиллагааны тайлан болон гишүүн орнуудын саналуудыг үндэслэн тус банкны зүгээс Сахарын цөлийн өмнөд болон түүнээс урагш орших Африкийн бүс нутагт үйл ажиллагаагаа өргөжүүлэх нь тус банкны олон улсын дэмжлэгийг сайжруулж, гишүүн орнуудад санхүүжилтийн шинэ эх үүсвэр нээх чухал ач холбогдолтой гэж үзэж байгаа болно.

Дэлгэрэнгүй танилцуулга

**Хэлэлцээрт оруулсан нэмэлт, өөрчлөлтийг хүлээн зөвшөөрч,
соёрхон батлах тухай хуулийн төслийн талаар**

Зохицуулахаар тусгасан харилцааны агуулга, зохицуулалтыг хэрхэн ойлгох тухай:

Уг хуулийн төсөл нь 2 зүйлтэй бөгөөд 1 дүгээр зүйлд Энэхүү Европын сэргээн босголт, хөгжлийн банк үүсгэн байгуулах тухай хэлэлцээрт оруулсан нэмэлт, өөрчлөлтийг хүлээн зөвшөөрч, соёрхон батлахыг, 2 дугаар зүйлд хууль хүчин төгөлдөр болох хугацааг тусгасан болно.

Энэхүү Европын сэргээн босголт, хөгжлийн банк үүсгэн байгуулах тухай хэлэлцээрт оруулсан нэмэлт, өөрчлөлт нь Олон улсын гэрээний тухай хуулийн 8 дугаар зүйлийн 8.1 дэх хэсэгт заасны дагуу Улсын Их Хурал соёрхон батлах хуулийн зохицуулалттай болно.

Европын сэргээн босголт, хөгжлийн банк үүсгэн байгуулах тухай хэлэлцээрт оруулсан нэмэлт, өөрчлөлтийн тухай

Монгол Улс нь 2000 оны 7 дугаар сарын 26-ны өдөр Европын сэргээн босголт, хөгжлийн банк (цаашид “ЕСБХБ” гэх)-ыг үүсгэн байгуулах тухай хэлэлцээрийг хүлээн зөвшөөрч, Монгол Улсын Их Хурал соёрхон баталснаар тус банкны 61 дэх гишүүнээр элсэн орсон.

ЕСБХБ-ны Захирагч нарын зөвлөлөөс 2023 оны 5 дугаар сарын 18-ны өдрийн 259 болон 260 дугаар тогтоолыг баталж, ЕСБХБ үүсгэн байгуулах тухай хэлэлцээрийн 1 дүгээр зүйл болон 12.1 дүгээр зүйлүүдэд өөрчлөлт оруулахаар шийдвэрлэсэн.

Тус хэлэлцээрийн 1 дүгээр зүйлд оруулсан өөрчлөлтөөр ЕСБХБ-ны санхүүжилтийн үйл ажиллагаа нь Төв болон Зүүн Европ, Өмнөд болон Зүүн Газар дундын тэнгисийн бүс нутаг болон Монгол зэрэг орнуудыг хамарч байсныг өргөжүүлж, Сахарын цөлийн өмнөд болон түүнээс урагш орших Африкийн бүс нутгийн орнуудад үйл ажиллагаагаа явуулах боломж бүрдэж байгаа бол хэлэлцээрийн 12.1 дүгээр зүйлд оруулсан өөрчлөлт нь тус банкны санхүүгийн тогтвортой байдлыг хамгаалахын тулд ЕСБХБ-ны Захирлуудын зөвлөлд хөрөнгийн зохистой харьцааны хэмжүүрүүдтэй холбоотой тохирох хязгаарлалтыг тогтоон хадгалах эрхийг олгож байгаа болно.

Энэхүү хэлэлцээрт оруулсан нэмэлт, өөрчлөлт нь ЕСБХБ-ны дотоод засаглал, үйл ажиллагааны хүрээнд төвлөрч байгаа учир Монгол Улсад сөрөг нөлөө үзүүлэхгүй бөгөөд харин тус банкны үйл ажиллагааг төрөлжүүлж, банкны тогтвортой байдал болон гишүүн орнуудад үзүүлэх дэмжлэгийг сайжруулна гэж үзэж байна.

Монгол Улсын Их Хурал 2000 онд Европын сэргээн босголт, хөгжлийн банк үүсгэн байгуулах тухай хэлэлцээрийг хүлээн зөвшөөрч, нэгдэн орсныг соёрхон баталсан бөгөөд үүний дараагаар 2013 онд ЕСБХБ Өмнөд болон Зүүн Газар дундын тэнгисийн бүс нутагт үйл ажиллагаагаа тэлэх зорилгоор ЕСБХБ үүсгэн байгуулах тухай хэлэлцээртээ оруулсан нэмэлт, өөрчлөлтийг мөн хүлээн зөвшөөрч, соёрхон баталж байсан болно.

Олон улсын гэрээний тухай хуулийн 8 дугаар зүйлийн 8.1 дэх хэсэгт заасны дагуу тус хэлэлцээрт оруулсан нэмэлт, өөрчлөлтийг хүлээн зөвшөөрч, соёрхон батлах хуулийн төслийг Улсын Их Хурлаар хэлэлцүүлэх бөгөөд Монгол Улс хэлэлцээрт нэгдсэн орсон бүрэн эрхт гишүүний хувьд шийдвэрийг банканд албан ёсоор мэдэгдэх үүрэгтэй.

МОНГОЛ УЛСЫН ЗАСГИЙН ГАЗАР